

Стихирные Богородичны, II приложение, глас 1

В неделю вечера «И ныне – глас 1:

Небѣсных чинов радование, / на земли человек
ков крепкое предста́тельство, / Пречы́стая Де-
во, спаси ны, иже к Тебе прибега́ющия, // яко
на Тя упование по Бозе, Богородице, возло-
жи́хом.

В понедельник на утрени «И ныне – глас 1:

Святѣйшая святых всѣх Сил, / честнейшая всея
твари, Богорóдица, / Влады́чица мира, спаси
ны, Спаса рóждшая, / от прегрешéний тмо-
ри́чных и бѣд // яко Благая молитвами Тво́ими.

В понедельник вечера «И ныне – глас 1:

Дéво Всепéтая, / юже в Тебе тайну Моисей
пророческима виде очима, / купину́ горящу и
неопаля́ему, / Божества бо Огнь утробу Твою,
Чы́стая, не опали́. / Тёмже молим Тя яко Ма-
терь Бога на́шего, // мир испросити мирови и
велию милость.

Во вторник утра «И ныне – глас 1:

Блудни́цу, и блуднаго аз, и разбо́йника побе-
ди́х, / и мытаря прегрешении преминах, и ни-
невита́ны. / Увы́ мне, что б́уду; / како убегну
муки, аз, ока́янный? / Чы́стая, припадаю Ти,
ущедри мя милостию Тво́ею, // якоже оныя
Сын Твой спа́сл е́сть.

Стихирные Богородичны, II приложение, глас 1

В среду вечера «И ныне – глас 1:

Рáдуйся, радости пра́дедов,/ апостолов и мучеников весéлие// и покров нас, Дево, Твои́х рабо́в.

В четверток утра «И ныне – глас 1:

Рáдуйся, Богородице Дéво,/ радуйся, похвало всея вселénная,// радуйся, Пречистая Мати Божия, Благословénная.

В пяток вечера, «И ныне – глас 1:

Войстинну паче ума чудная Твоя вели́чия,/ рождества Твоего, Богоневéсто,/ я́же проповедаша пророцы вси, вся пресла́вная,/ зачатие и рождество́, Всепéтая,/ недомы́сленно и несказáнно,// имже мир спасл есть я́ко Милосéрд.

В субботу утра «И ныне – глас 1:

Рáдуйся, от нас Святая Богородице Дéво,/ чистый сосуде всея вселенная, свеще неугаси́мая,/ вместилище Невместимаго, храме необоротимый;/ радуйся, из Неяже родися А́гнец Бо́жий,// вземляй грехи всего ми́ра.